

居游必携

廣州快覽

世界書局印行



游覽
必携

廣州快覽

△廣州之疆域

一 沿革

廣州居粵省之中。而略近南路。距京師西南七千五百七十里。据珠江北岸。山岳北峙。大海東來。實三江之總匯。嶺南之中樞也。攷廣州之置。始自孫吳。吳志孫權傳。吳王黃武五年。分交州置廣州。俄復舊。又孫休傳。景帝永安七年。復分交州置廣州。古但稱南越。前漢南越王趙佗。五代時南漢劉隱。皆嘗據此。南漢嘗名興王府。宋元及明。復稱廣州。至羊城及穗垣之號。則始於周。昔周夷王時。南海有五仙人。衣五色衣。騎五色羊。來集楚庭。各以穀穗一莖六出。留

與州人。且祝曰。願此閭閻。永無荒饑。言畢。騰空而去。羊化爲石。故坡山有五仙觀。祀五仙人。少者居中。持粳稻。老者居左右。持黍稷。皆古衣冠。像下有石羊五。有蹲者。有立者。有角形微彎。勢若抵觸者。大小相交。毛質斑駁。故有羊城及穗垣之稱。

二 城垣

廣州之城。爲周赧王時。粵人公師隅始築。號曰南武。厥後任囂。趙佗。相繼增修。其來已舊。宋慶歷四年。經略使魏瓘。加築子城。兼完雉堞。時有東西南三甕城門。熙寧間。呂居簡。程師門。兩經略使。完東西二城。而三城始備。紹興二十二年。經略使方滋。修繕三城。增加井幹。嘉定三年。增築雁雉。城上建高樓。東曰番禺都會。西曰南海勝觀。故舊日雙門底之東。屬番禺縣轄。西屬南海縣轄。明洪武十三年。永嘉侯朱亮祖

始連三城爲一。更闢東北山麓以擴之。爲門凡七。曰正東。曰正西。曰正南。稍東曰定海。（卽小南）稍西曰歸德。曰正北。稍東曰小北。萬歷二十七年。更開文明門。（清康熙十三年。因滇逆之變。閉之。巡撫李士楨以郡學前門文明宜啓。遂復開。）此卽俗所謂老城也。嘉靖四十二年。都御史吳桂芳創築自西南角樓以及五羊驛。遶環至東南角樓新城。以固防禦。爲門凡八。東曰永安。（卽小東）南曰永清。（民國初元改稱永漢）西曰太平。東南曰永興。（卽便門）西南曰五仙。曰靖海。曰油欄。曰竹欄。卽俗所謂新城也。又有東西二翼城者。清順治四年冬。總督修養甲所築。各長二十餘丈。直至海旁。東西爲門各一。卽俗所謂鷄翼城也。

民國元年。都督陳炯明議拆去老城新城。就城基

改建馬路。甫興工。因兵事輒止。民國七年。永漢街大火。災後因拆永漢門。改建馬路。是爲拆城築路之嚆矢。民國八年。設市政公所。實行拆卸城基。並將沿馬路線鋪戶。分別拆卸。於是廣州街市。頓成一新局面矣。

三 濠溝

夫高城深池。古稱天險。羊城向有舊濠。相傳宋大中祥符中。邵曄知廣州。始鑿濠爲池。以通舟楫。代有清濬。有東濠。西濠。南濠。清水濠之名。在城東者曰東濠。在城西者曰西濠。在城南者曰南濠。而可得而指名者。惟清水濠。廣東通志謂清水濠卽古東濠也。在南城宋行春門下。穴城而達諸海。長二百有四丈。廣十丈。廣州府志謂鑿自宋時。其起止廣狹不詳。今小東門內小半南約。卽其故址。

廣 州 河 流



又廣州古渠有六。貫串內城。可通舟楫。名六脈渠。渠通於濠。濠通於海。城中可無水患。實會垣之水利。乃屢濬屢湮。六渠遺跡。自大市至五子城。迄今尙可履考。

四 街市

廣州市民。在昔就城之形勢。分街市爲八區域。今城雖拆卸。惟稱謂上利便起見。猶未更易。蓋相沿已久。習慣使然也。所謂八區域者。如老城以內曰老城。新城以內曰新城。小北門一帶曰小北。大北門一帶曰大北。西門以外曰西關。東門以外曰東關。大南門外迤東一帶曰南關。（迤西一帶則仍稱如其門。如五仙門、靖海門、油欄門等。）隔江之洲則統稱河南是也。此外尙有東山、長堤、海珠、沙面等處。茲分述於下。

老城 老城爲廣州城之中心點。衙署局所多設於此。商業最繁盛之區爲大南門、雙門底、廣府前等處。大南門、雙門底一帶。自拆城後。闢作馬路。改名永漢路。廣府前屬惠愛街一部份。今惠愛街一帶。亦闢作馬路。名爲惠愛路。商業愈加繁盛。

新城 新城位於老城之南。市肆亦稱繁盛。最著者如小市街則金鋪叢集。大新街則爲珠寶玉器象牙珍玩等業薈萃之區。各城基今亦已改建馬路。交通極便。

大小北 大小北一帶。少商業而多人烟。在昔詩禮之家尤盛。大都爲遠鄉捕鴈及旗滿之人。今則客籍者亦多留寓於此。而織布之業。遂日漸推廣。惜無賴之民。恆於是地經營賭業。故賭風亦較他處爲熾。且地勢雖高。而渠道淤積。一旦雨勢連綿。卽遭潦患。淹

浸街道。步履殊艱難也。

西關 西關在城之西部。有上西關下西關之分。最繁盛者爲十八甫、打銅街、下九甫、揚巷、十三行等處。鉅紳富室。則多寓於十五甫、十二甫、逢源、多寶等街。惜地勢低下。年有潦患。至大家閨閣。向稱文秀。惟奢侈之風。亦甲於全市。

東關 東關在城之東部。此地不以商業見稱。惟戶口繁多。爲全市冠。民風儉樸。不及西關之奢華。南關 南關在城之東南部。此地商業。近亦日趨繁盛。與鹽業果木聚會之區。富商鉅族。亦多居於此。河南 河南爲廣州南部。隔江之大洲。周迴五六十里。江水四環。人以爲在珠江之南。故曰河南者非也。攷漢章帝時。南海有楊孚字孝元者。舉賢良對策。上第拜議郎。其家在珠江南。嶺南天暖無雪。孚嘗移洛

陽松柏種宅前。隆冬蜚雪盈樹。人皆異之。因目其所

惠然來遊。頗極一時之盛焉。

居曰河南。故河南之得名自乎始。蓋以洛陽之河南。擬之粵志所謂河南之洲。狀若方壺者是也。有三十村。其土沃而人勤。耕織之風頗盛。今里人李軍長福林。駐節於境內之海幢寺。其部曲亦多是鄉之人。維護桑梓。向稱得力。故歷年政變。惟河南一隅。尙屬安靖。以是人多遷寓於此。晚近以來。洋行貨倉及禮拜堂等。日見增多。商業亦日趨興盛。影響所及。地價爲之大漲。迤西之大通港。有大通古寺。相傳達岸禪師坐化於此。遺下肉身。祈禱輒應。寺內有龍霞井。朝出霞霧。週圍遮蓋。四時不竭。海上風帆。影落井中。爲僊城八景之一。曰大通烟雨。又有所謂花埭者。園林逸趣。花草嫣然。每夫珠海春明。越臺景媚。則是地也。杏林絢錦。柳岸垂絲。桃瓣翻紅。毛茵展綠。都人士女。

東山。東山爲東門外之小丘。故名。昔本荒地。今則

一變而爲繁盛之區。馬路四闢。車馬可達。中西人士多在此建屋而居。高閣巍樓。氣象豪偉。學校亦盛。如培正學校。培道女校。培賢女校。培坤女子中學。東山幼稚園等。類皆爲教會人士所組織。此外尙有禮拜堂。恤孤院。美華印務局。水上游藝會等。面臨綠水。與東濠相接。附近有永泰寺。俗呼爲太監寺。乃明市舶中官韋眷所建。眷成化間人。奉命至粵。陵燦官吏。掠取民夷。陷布政使陳選。番禺令高瑤。卽其人也。其像嘗供諸寺中。今寺與像俱毀。

長堤。長堤卽市南江濱一帶。昔本海坦。嗣以石沿岸築堤。故又名堤岸。堤分三部。東部曰東堤。西部曰西堤。中部曰南堤。東堤亦曰東濠口。東接廣九車站。

東川馬路、東山、沙河等處。地雖偏僻。然爲酒樓妓院叢集之區。亦頗繁囂。南堤居全堤中段。電燈工場即設於此。而各種營業。均屬大宗。如魚欄、蟹欄、生果欄、

長堤



鹹魚欄等。日中爲市。夜間尙覺寧靜。西堤亦稱西濠口。西達沙基沙面。郵務局、粵海關及各大公司、大酒店。胥在於此。而港澳船舶。亦羣相寄碇。故商業極爲

興旺。卽紅男綠女之聯翩夜遊者。亦於茲爲盛。肩摩轂擊。爲全堤最熱鬧之區。

海珠 廣州城南。舊五羊驛前江之中流。有石焉。廣袤數十丈。江水環之。昔人謂雖巨浸稽天不能沒。故曰南海有沉水之香。亦有浮水之石。卽指此也。然亦不可信。蓋乙卯吾粵水災。海珠竟爲潦水所淹矣。石之始也。相傳有賈胡持摩尼珠至此。珠飛入水。夜輒有光怪。故此江名曰珠江。其石則曰海珠云。石上有慈度寺。古榕十餘株。四邊蟠結。遊人往往息舟其陰。寺建於南漢大寶間。宋寶祐中。南海李忠簡公昂英讀書於此。登第後捐資重修。一說慈度寺舊在城東。歲久頽圯。忠簡公登第後。始捐貲與僧鑑義徙創於此。仍以慈度匾之耳。（後說見黃通志）明季忠簡後裔建祠於上。以祀公。清順治四年。總督修養甲以

珠

海



此地居省城要害。爲海防至計。因壘築爲礮臺。設兵戍守。康熙中。巡撫李棲鳳在祠前築高樓曰得月樓。以供遊人登覽。雍正九年。布政使王士俊。按察司黃文偉。糧道陶正中。鹽道馮方。捐俸在得月樓前建文昌閣。層樓聳峙。可覽山海之勝。前有文溪祠。額曰虫二。隱無邊風月也。每逢月夜。登此觀望。鄉舟城市。燈水霞清。如同白晝。所謂珠江夜月。爲羊城八景之一。民國以來。水警駐紮於此。遊人少到。惟東偏文溪祠前。建立故海軍總長程公璧光銅像。巍峨獨立。頗爲壯觀。今此地有改建公園之議。

沙面 沙面在廣州西南。卓立珠江中。儼然一小島也。面積較海珠數倍。爲外人之居留地。事緣前清咸豐七年。因教案中英構衅。英法聯軍來攻廣州。挾粵督葉銘琛西行。至咸豐十年。中英法再訂和約。遂將

沙面租與英法。全島環築石砌。南面海珠。餘皆隔以小港。風景清幽。足供遊覽。其經營是島也。費金三十萬。五分之四出自英人。其餘則法人所出。故其領地。英居三分之二。築兩橋以通廣州。東橋一帶屬法界。西橋一帶屬英界。兩租界內。並寓各國僑民。洋行櫛比。商業繁興。有各國領事館。

五 氣候

廣州氣候不良。含有熱帶性質。且地土卑溼。不適人身。然東南沿海。常受海風之調劑力。變而溫和。故較熱帶中諸地。稍占優勝。每年溫度平均爲六十九度。冬則四十二度。夏則九十六度。嚴寒不過三十八度。酷暑不過百度。然亦罕見者也。西南風多發在四月初旬。至五月則其勢稍弱。而風雨表內。則常高至八十度。蓋大雨滂沱。以此時爲最盛矣。遞至六月。則

晴乾而酷熱。七八月間。則暴風疾雨。時或大作。風雨表內。常高至八十八度。九月而後。則午雖熱。而夜漸涼。入冬則寒氣侵人。蓋東北風之發。多在十一月初旬。此時則降至五十五度。自是以後。其寒益日增矣。然天高氣爽。豁人神智。居此地者。又以此時爲最暢適也。

六 戶口

廣州人口數目。據中國鐵路現勢地圖附表。則稱八十萬。又據民十海關調查表。則稱九十萬。兩說本屬可靠。然均未詳盡。惟據中國續行委辦會最近所調查。則謂統計全國都會。人口之在白萬以上者。僅有廣州上海北京三處。廣州尤爲三地之冠。凡一百六十萬。上海則一百五十萬。北京則一百一十萬云。此數似較核實。由是觀之。繁殖如上海北京。猶且遜

之則廣州人口之衆。蓋甲於全國矣。民性大抵剛健敏活。習於遠游。其經營商業者。除本省與本國。尤以遠涉重洋爲最多。故南洋羣島。印度。日本。澳洲。及歐美諸邦。靡不有其蹤跡。蓋粵人富於進取。工於心計。且勤儉耐勞。善爲儲蓄。因是所至之地。皆能以商業稱雄。雖歐美邦人。亦多忌之。足爲吾國民之矜式。然人情日侈。物力日匱。閒民游惰。漸生倖心。弱者爲賭。強者爲盜。民俗之壞。亦諸省所罕見。

△廣州之名勝古蹟

一 羊城八景

粵秀連峯。粵秀山在郡城北隅。亦名越王山。翠巒聳拔。下視番禺二山。山巔有觀音閣。閣之東北。越王臺故址存焉。下俯半山亭。都人歲時登臨。藉憩於此。

南漢時劉龔疊石爲呼鑾道。夾道栽金菊芙蓉。折而北。有歌舞岡。一名越井岡。卽爲尉佗三月三日登高處。

潛洲砥柱。滢滢洲在郡城東南四十里。江中有洲突起。高十餘丈。上有三阜。形似琵琶。明萬歷間。光祿卿郭棐。寺丞王學曾。主事楊瑞雲。請於院司。卽洲上建九級浮屠。屹立海中。以壯形勢。名曰海鰲塔。北建北帝宮以鎮之。旁有海鰲寺。

五仙霞洞。五仙觀舊在番禺十賢坊。明洪武十年。布政使趙子堅以觀地爲廣豐庫。乃於坡山建通明閣。塑五仙像於其中。少者居中。持粳稻。老者居左右。持黍稷。皆古衣冠。階下有石羊五。又有一巨石。廣可四五丈。上有脚跡。跡中碧水泓然。雖旱不竭。似有泉眼在下。亦異蹟也。參政汪廣洋建鐘樓於上。顏曰嶺

孔 音 山 之 五 層 樓



南第一樓。

孤兀禺山。禺山依城之北。與番山相去里許。番禺北。聯屬如長城然。邑之得名。蓋以此也。南漢劉龔嘗作沉香臺觀於禺山上。舊多松柏。今無存。

鎮海層樓。鎮海樓在城北粵秀山左。一名望海。明洪武初。永嘉侯朱亮祖建。樓凡五層。矗立霄漢間。山川形勝。了然在目。每當四窗洞開。一望無際。俯涵巨海。仰接蒼冥。亦一大觀也。

浮邱丹井。浮邱在城西一里。舊傳爲浮邱丈人得道處。上有朱明觀。所謂羅浮朱明門戶者也。邱下有井。晉葛稚川煉丹於此。嘗飲斯水。而井遂以丹異焉。仙源沃濯。有自來矣。

西樵雲瀑。西樵山在南海西境。與羊城相去一百二十里。環峙七十二峯。其最高處則大科峯也。遊者

嘗夜半登此。以觀日出。中懸百丈飛瀑。可名者則翠巖、朱坑、白雲諸洞。而白雲卽何白雲先生讀書處。山幽水冽。其瀑高從雙壁而下。穿石橋而出。石下有澗。聚而成湖。尤爲諸瀑之冠。

東海魚珠 魚珠在羊城東四十里。四面皆水。中有拳石圓淨如珠。蓋賴海珠然。北一山像魚。張口向珠。因名。舊築砲臺其上。今廢。

二 山水

粵秀山 在城內正北。爲省會主山。亦名越王山。上有越王臺故址。韓愈詩所謂樂奏武王臺是也。明永樂初。都指揮花英於山巔起觀音閣。（卽萬善寺）故俗又稱觀音山。閣下迤東有葫蘆塘。清水一泓。雖旱不竭。前爲三君祠半山亭。（亦都指揮花英所建）又葫蘆塘東逕。相傳卽南漢劉龔之呼鑾道。折而

北有歌舞崗。卽尉佗三月登高處。左爲紅棉草堂、鎮海樓。其下爲菊波精舍、應元宮。南有文瀾閣、學海堂、龍王廟諸勝。其學海堂、菊波精舍。皆前清以經史詞章等學課士之所。又西有三元宮、關帝廟。後有礮台。自龍濟光督粵。將教練所改建督軍署於其下。並置天橋直達山上。就山徧佈營壘。劍戟森嚴。非官僚不容出入。勝境遂成禁地。龍氏去後。桂系陸（榮廷）

譚（浩明）、陳（炯規）、莫（榮新）相繼督粵。亦蹈龍氏故轍。不許游人登臨。及粵軍返旆。始將此山開放。重准各界游覽。故茶室林立。頗極一時之盛。嗣復以兵燹見毀。淩落荒蕪。游人絕跡。近市當局已決議將其展拓市區矣。

九眼井 在粵秀山下。歌舞崗之陽。相傳尉佗所鑿。其水力重而味甘。乃玉石之津液。志稱佗飲斯水。肌

體潤澤。年百餘歲。視聽不衰。又嘗投杯於井。從石門浮出。舟人得之以爲神。名越土井。按通典南海有天井門。天井者。越王井。門者石門也。廣州諸井。此最古。南漢主亦嘗飲之。號玉龍泉。禁民取汲。宋潘美得廣州。始與民共之。丁伯桂令番禺時。因民爭汲。乃鑿巨石爲九竅以覆之。遂有今稱。泉味清冽。大旱不涸。會城官署民居均飲此。幾如菽粟之不可一日闕。後平南王邸第。近在井南。亦禁民汲。繚以墻垣。藩卒守之。刊禁條於井前。私汲者笞四十。每分日綱遞運。以供藩廚。嘗投珠寶於水中。後平南王八十七歲。乃終。童顏豐鑠。醫者云得甘泉之力。今人居既盛。洩液橫侵。水味頓改。近今粵城中所販之山水。都以此水充之。究之其水清冽。爲各井所不及云。

藥洲 在越王臺西南一里。卽南漢劉龔所鑿仙湖。

與之爲一者也。今教育會附近卽其遺跡。志載南漢劉龔鑿湖五百餘丈。聚方士煉藥於此。洲以是名。督學張明先以宋許彥先詩有「花藥氛氳海上洲」之句。謂是會種紅藥。故名藥洲。惟按謝眺詩「紅藥當階翻」固指芍藥。此云花藥。或栽花或種藥而云然歟。宋熙寧元豐間。士大夫元夕上元。泛舟觴詠。亦或於此避暑。攷古藥洲地連南苑。卽南漢白龍見南苑者是也。形勝廣闊。宋時相去不遠。故稱盛焉。明時八景有藥洲春曉。則風流猶在也。厥後久淤。變同陵谷。至改學署時。亦已盛矣。迄今街名曰仙湖。曰西湖。曰觀蓮。曰九曜。或卽五百餘丈之所際歟。九曜石 在古藥洲水中。志云。南漢時罰罪人移自太湖及三江所產者。學使張明先駁之。以爲韶石多類此。未必遠取以置此也。石凡九。高八九尺。或丈餘。

嵌崑崙兀。翠潤璫璫。望之若崩雲。既墜復屹。今學使署池。中所謂藥洲石。卽九曜之一。石上多宋人題刻。熙寧六年。米元章題藥洲二字及五絕一首於石上。今有數字剝蝕難辨。清乾隆丙戌丁亥年間。督學使者翁覃谿徧尋未獲。道光丙戌歲。翁心存復來督學。剔截榕根出之。甲子一周。仍因翁氏顯。洵文字奇緣也。民國成立後。將學署改爲教育司署。尋又改爲教育會址。此石已有移歸省長公署者。

珠江。粵中河流。莫大於西江。次則北江。皆屬珠江上源。又其次則東江。則合於珠江下流也。西江來自廣西蒼梧縣。北江古名湏水。源出南雄東北之油山。東江一曰龍川水。發源江西之九連山脈。三水總稱珠江。橫經廣州城南。藉分河南河北。其在城南舊五羊驛前。有石排湧出江中。彷彿海上浮珠。卽海珠石。

江

珠



白 鵝 潭



也。(海珠另詳) 珠江卽因是得名。匯於白鵝潭。趨虎門。達於海。

白鵝潭 海珠西二里有白鵝潭。水大而深。昔者每大風雨。有白鵝浮出。則舟楫壞。清順治丙申五月朔。二白鵝狀如小艇。隨波上下。時無風雨。舟經此者皆見。以小銃逐之。飛數百步。沒於水。相傳黃蕭養作亂。船經此潭。白鵝爲之先導。亦妖物云。

白雲山 白雲爲南越主山。自大庾逶迤而來。既至羊城。從之者有三十餘峯。皆知名。每當秋霽。有白雲蒼鬱而起。半壁皆素。故名曰白雲。在廣州東北十五里。遊者由人力車或馬車汽車至沙河。再由沙河北行。可乘輿馬或步行。有徑可登山。高三百餘丈。爲附近諸山之最高者。形勢亦佳。洵爲廣州之屏障。山麓有蒲潤。安期生舊居此。始皇遣人訪之。太白詩所謂

秦帝如我求。蒼蒼向烟霧是也。澗右有濂泉寺。澗左有雲泉山館。館背爲安期仙祠。相傳爲鄭安期飛昇之處。祠建於清嘉慶十八年。爲羽士江瀛濤及粵東詩人黃培芳等所倡建。山坡有石級二層。層各三百餘級。第一層盡處。右旁谷中有能仁寺。卽舊玉虹洞故址。道光四年建。第二層有龍果寺。爲宋運使陶定建有坊曰天南第一峯。內有檀越樓。樓下有雲巖第一峯。前有孔氏山莊。自鄭仙祠北行。約里許。爲白雲寺。寺前有小徑。右通景泰寺。左通雙溪寺。俗傳七月廿四日爲安期飛昇日。故是日游山者極衆。沐浴靈泉。以祈霞舉。而宋時郡守嘗贖士大夫往遊。謂之鰲頭會。至今鄭仙誕日。遊者仍盛。地方官常派軍隊沿途保護。

坡山 在城內西南隅閭閻之中。高三四丈。向在

江干。相傳晉時渡口。故稱坡山古渡頭。山爲劉襲所鑿。竟爲培塿。今在五仙觀中。明洪武初。行省參政汪廣洋建鐘樓其上。其頂有丹灶。其陽有穗石洞。相傳石爲仙人乘五羊所化。裴淵廣州記。戰國高固相楚時。有五仙人乘五羊。各持穀穗。一莖六出。遺穗與州人。騰空而去。羊化爲石。至今猶存。

西樵山 在南海西境。與省會相去一百二十里。有西樵官山渡可通。

鼎湖山 乘廣三鐵路至三水。再乘肇慶渡至羅隱涌。登岸。有下院。遊者自下院僱筍輿登山。山半有慶雲寺。以做功德馳名。亦容遊客駐宿。寺極大。頗幽勝。寺下有飛瀑。高可百尺。聲震耳鼓。頂有湖。登寺之徑。樹蔭蔽天。曲折繞興趣。又有白雲寺。亦在山巔。香火遠不逮慶雲之盛。

羅浮山 乘惠州渡至博羅登岸。乘廣九車至石龍。再僱筭輿登山。漢志載博羅有羅山。以浮山自會稽浮來傳之。故名羅浮。爲十大洞天之一。山有四百三十二峯。羅與浮半之。溪澗川源。不可勝數。有羅漢巖。伏虎巖。鐵橋峯。夜樂洞。犀牛潭。鳳凰谷。瀑布泉。龍王坑。黃龍洞。丹灶滴水巖。水簾洞。流杯池。諸勝。風景之勝。雖長年隱者。猶未易遍覽。蓋南越之靈山也。七星巖 在肇慶城外。乘肇慶渡可至。巖甚高廣。名人題紀尤多。風景頗勝。可供遊覽。

黃花岡 在東門外約七里許。初不過一荒陵耳。自辛亥三月廿九之役。七十二烈士忠骸枕藉道路。日餘無敢葬者。後由潘君鐵蒼言於慈善界。乃合葬七十二烈士忠骸於此。而黃花岡遂永爲民國歷史上一大紀念。民國初元。胡漢民。陳炯明。相繼督粵。即議

從事整飾。以慰忠魂。省議會亦通過。動用經費十萬元。二年。亂作不果。七年秋間。滇軍師長方聲濤發起修葺規模。略具。因事停工。十年。參議院長林森繼續勸募修築工程。浩大。局樣恢宏。碑碣巍峨。樹木蒼鬱。陡彼岡者。當亦悠然而生愛國之思矣。當烈士殉難之時。同事之未死者。嘗審查烈士名籍。結果得五十六人。至十一年。續得十六人。計廣東四十一人。福建十九人。廣西六人。四川三人。安徽三人。其詳可攷諸碑記。

荔枝灣 在西關之南隅。黃沙之西北。爲南漢昌華園故址。卽南漢王設紅雲宴處。分花埭之清流。沿柳波之沃壤。由來已久。稱豔於今。有荔香園。爲清季潘氏海山仙館舊地。旋改爲陳氏。亦云溪館。又進。有題曰紅荔灣頭第一村者。爲蘇東坡手筆。廣袤七八畝。